

JU UNIVERZITET U TUZLI

**PRAVILNIK**

**O USLOVIMA I POSTUPKU EKVIVALENCIJI RANIJE STEČENIH AKADEMSKIH  
TITULA, ODNOSNO NAUČNIH I STRUČNIH ZVANJA SA NOVIM ZVANJIMA KOJA SE  
STIČU NA UNIVERZITETU U TUZLI**

Na osnovu člana 63. a u vezi sa članom 156. Zakona o visokom obrazovanju (prečišćeni tekst) («Službene novine Tuzlanskog kantona», broj: 21/21, 22/21, 5/22, 11/22 i 16/22) i člana 218. Statuta Univerziteta u Tuzli, Senat Univerziteta u Tuzli, na sjednici održanoj 11.11.2024. godine donio je

## PRAVILNIK

### O USLOVIMA I POSTUPKU EKVIVALENCIJI RANIJE STEČENIH AKADEMSKIH TITULA, ODNOSNO NAUČNIH I STRUČNIH ZVANJA SA NOVIM ZVANJIMA KOJA SE STIČU NA UNIVERZITETU U TUZLI

#### I - OPĆE ODREDBE

##### Član 1.

##### (Predmet Pravilnika)

(1) Ovim Pravilnikom bliže se uređuju uslovi, postupak te kriteriji za vrednovanje i ekvivalenciju ranije stečenih akademskih titula odnosno naučnih i stručnih zvanja na Univerzitetu u Tuzli sa novim akademskim nazivima, odnosno naučnim i stručnim zvanjima koja se stiču na Univerzitetu u Tuzli po bolonjskom visokoobrazovnom sistemu studiranja.

##### Član 2.

##### (Osnovni pojmovi)

U ovom Pravilniku u upotrebi su pojmovi sa sljedećim značenjem:

- a) ekvivalencija je formalna potvrda (uvjerenje) kojim se nakon provedenog postupka vrši izjednačavanje ranije stečenog zvanja na Univerzitetu u Tuzli sa novim zvanjima koja se stiču po bolonjskom visokoobrazovnom sistemu studiranja, zasnovanom na ciklusima studija: prvom, drugom i trećem ciklusu.
- b) ranije stečeno zvanje je zvanje stečeno završetkom studija prije prelaska na Bolonjski sistem visokog obrazovnog sistema (koji nisu vrednovani sa ECTS bodovima), odnosno koji su zasnovani na stepenima stručne spreme VI, VII, VII2, VIII i VIII1.
- c) ciklusi studija (ciklusi) predstavljaju nivoe, odnosno gradirane cjeline Bolonjskog visokoobrazovnog procesa identifikovane kao :
  - prvi ciklus studija koji vodi do akademskog zvanja završenog dodiplomskog studija (baccalaurate/the degree of Bachelor), stečenog nakon najmanje tri i najviše četiri godine redovnog studija nakon sticanja svjedočanstva o završenoj srednjoj školi koji se vrjednuje sa 180 odnosno 240 ECTS bodova,
  - drugi ciklus studija vodi do akademskog zvanja magistra ili ekvivalenta, stečenog nakon završenog postdiplomskog studija koji traje jednu ili dvije godine, a vrednuje se sa 60 odnosno 120 ECTS bodova i to tako da u zbiru sa prvim ciklusom nosi 300 ECTS bodova,

- treći ciklus studija vodi do akademskog zvanja doktora nauka/znanosti ili ekvivalenta , traje tri godine i vrednuje se sa 180 ECTS bodova.

### **Član 3.**

Gramatička terminologija korištena u ovom Pravilniku podrazumijeva oba roda.

### **Član 4.**

#### **(Stečena prava)**

Lica koja su na Univerzitetu u Tuzli stekla određena naučna i stručna zvanja, odnosno akademsku titulu završetkom studija po ranijim propisima i koji su zasnovani na stepenima stručne spreme, zadržavaju pravo njihovog korištenja u skladu sa propisima prema kojima su ih stekli.

## **II POSTUPAK EKVIVALENCIJE I NADLEŽNI ORGANI**

### **Član 5.**

Postupak ekvivalencije provodi fakultet/Akademija kao organizaciona jedinica Univerziteta koja je matična, odnosno na kojoj je stečena akademska titula odnosno naučno i stručno zvanje za koje se traži ekvivalencija.

### **Član 6.**

#### **(Pokretanje postupka)**

(1) Postupak ekvivalencije pokreće se pismenim zahtjevom nosioca diplome odnosno lica koje je ranije steklo stručno, odnosno naučno zvanje na Univerzitetu, a temelji se na osnovu izdate diplome, odnosno drugih izdatih isprava na osnovu matične evidencije fakulteta/ADU.

(2) Zahtjev za ekvivalenciju se podnosi matičnoj organizacionoj jedinici putem protokola Univerziteta.

### **Član 7.**

#### **(Dokumentacija)**

(1) Podnosilac, uz zahtjev obavezno prilaže slijedeću dokumentaciju:

- a) ovjerenu fotokopiju diplome visokoškolske kvalifikacije za koju se traži ekvivalencija ,
- b) original ili ovjerenu fotokopiju javne isprave-uvjerenja koje sadrži podatke o nazivu i trajanju završenog studijskog programa te položene ispite sa ocjenama,
- c) Izvod iz matične knjige rođenih,
- d) fotokopiju vjenčanog lista/rješenje nadležnog organa ukoliko je podnosilac zahtjeva, nakon izdavanja diplome promijenio ime i/ili prezime,

e) dokaz o uplati naknade za troškove postupka u visini utvrđenoj odlukom nadležnog organa Univerziteta.

(2) Zahtjev se podnosi na obrascu Univerziteta čiji sadržaj i forma su sastavni dio ovog Pravilnika.

#### **Član 8.**

##### **(Komisija za provođenje postupka)**

- (1) Postupak ekvivalencije provodi komisija iz reda zaposlenih nastavnika koju imenuje Naučno-nastavno vijeće fakulteta/Akademije na prijedlog dekana. Komisija može biti imenovana kao stalna na period od dvije godine ili kao ad hoc za svaki podneseni zahtjev.
- (2) Ukoliko komisija utvrdi da je zahtjev nepotpun, pozvati će podnosioca da isti dopuni u roku od 8 dana, a ukoliko to ne učini, rješenjem će zahtjev odbaciti.

#### **Član 9.**

##### **(Odlučivanje po zahtjevu)**

- (1) Komisija iz člana 8. stav 1. ovog Pravilnika u postupku ekvivalencije, a na osnovu dokaza priloženih uz potpuni zahtjev utvrđuje sve činjenice i okolnosti bitne za utvrđivanje prijedloga o ekvivalenciji o čemu sačinjava pismeni Izvještaj.
- (2) Nakon okončanja postupka ekvivalencije izvještaj sa prijedlogom komisija podnosi NNV/UNV fakulteta/akademije.
- (3) Izvještaj sadrži sve bitne podatke o podnosiocu zahtjeva, studiju koji je završio, obrazloženje i prijedlog za ekvivalenciju ranije stečenog akademskog zvanja sa odgovarajućim novim akademskim zvanjem.
- (4) Naučno-nastavno vijeće fakulteta/akademije na osnovu pozitivne ocjene iz izvještaja komisije donosi odluku da ranije stečena akademska titula odnosno naučno i stručno zvanje odgovara nekoj od akademskih titula, naučnih i stručnih zvanja u skladu sa važećim propisima, na osnovu čega dekan fakulteta/Akademije izdaje uvjerenje.
- (5) Ukoliko komisija u postupku ekvivalencije utvrdi da stečena akademska titula odnosno naučno i stručno zvanje ne odgovara nazivu koji se stiče prema važećim propisima zbog razlika u znanju, vještinama i stečenim kompetencijama te zbog eventualno drugih utvrđenih bitnih razlika u nastavnom planu i programu ili drugih objektivnih razloga, vijeće fakulteta/akademije zadržava pravo da uz dodatno obrazloženje odredi dodatne obaveze podnosiocu zahtjeva.

#### **Član 10.**

##### **(Opći kriteriji za ekvivalenciju)**

- (1) Pri utvrđivanju prijedloga za ekvivalenciju, komisija iz člana 8. stav (1) ovog Pravilnika u postupku ekvivalencije rukovodi se Osnovama kvalifikacijskog okvira u BiH („Službeni glasnik BiH“, broj 31/11),

važecim pozitivnim propisima u Tuzlanskom kantonu, kao i povezivanjem ranijih i sadašnjih nivoa kvalifikacija nakon završetka odgovarajućeg nivoa visokog obrazovanja.

(2) Prilikom utvrđivanja prijedloga komisija će primjenjivati relevantne propise i Spisak akademskih, naučnih i stručnih zvanja nadležnog ministarstva TK, koja je na snazi u vrijeme donošenja odluke o ekvivalenciji.

#### **Član 11.**

##### **(Rokovi za postupanje)**

(1) Postupak po zahtjevu, nadležni organi fakulteta dužni su okončati u roku od 60 dana, računajući od dana podnošenja urednog zahtjeva.

(2) Protiv odluke o ekvivalenciji može se podnijeti prigovor Senatu Univerziteta u roku od 15 dana od dana prijema odluke Vijeća.

(3) Odluka Senata je konačna.

### **III POSTUPAK I KRITERIJI ZA VREDNOVANJE RANIJE STEČENIH ZVANJA NA DRUGIM VISOKOŠKOLSKIM USTANOVAMA U BIH U SVRHU NASTAVKA OBRAZOVANJA NA NAREDNOM CIKLUSU STUDIJA NA UNIVERZITETU U TUZLI**

#### **Član 12.**

##### **(Postupak)**

(1) Lice koje želi nastaviti školovanje na narednom ciklusu studija na Univerzitetu a koje je ranije steklo akademsku titulu odnosno naučno i stručno zvanje na drugoj akreditovanoj visokoškolskoj ustanovi u Bosni i Hercegovini a da je pri tome dužina trajanja prethodno završenog studija drugačija u odnosu na dužinu trajanja studija na Univerzitetu, uz prijavu na konkurs za upis, podnosi fakultetu i zahtjev za ekvivalenciju ranije stečenog stručnog odnosno naučnog zvanja fakultetu/akademiji na koji konkuriše za upis.

(2) Postupak ekvivalencije provodi se na način i u postupku utvrđenom ovim Pravilnikom.

### **IV PRELAZNE I ZAVRŠNE ODREDBE**

#### **Član 13.**

##### **(Postupak za ekvivalenciju iste akademske titule odnosno naučnog i stručnog zvanja)**

Pozitivno izvršena ekvivalencija određene ranije stečene akademske titule odnosno naučnog i stručnog zvanja primjenjivati će se za identične kvalifikacije i na identičan način za sve naredne slučajeve.

**Član 14.**  
**(Izmjene i dopune Pravilnika)**

Izmjene i dopune ovog Pravilnika vrše se na način i u postupku propisanom za njegovo donošenje.


**Član 15.**

Zahtjevi za ekvivalenciju ranije stečenih naučnih i stručnih zvanja podneseni prije donošenja ovog Pravilnika a po kojima nije odlučeno do dana donošenja ovog Pravilnika, rješavati će se po odredbama i u postupku propisanom ovim Pravilnikom.

**Član 16.**  
**(Stupanje na snagu)**

Pravilnik stupa na snagu danom donošenja.

UNIVERZITET U TUZLI  
SENAT  
Broj: 03-6420-1-10/24  
Tuzla, 11.11.2024. godine



PREDSJEDAVAJUĆA SENATA:

*Nermina Hadžigrahić*  
Dr.sc. Nermina Hadžigrahić, red.prof.

**JU UNIVERZITET U TUZLI  
FAKULTET/AKADEMIJA**

---

**Zahtjev za ekvivalenciju ranije stečene akademske titule odnosno naučnog/ stručnog  
zvanja stečenog na Univerzitetu u Tuzli**

<b>1. LIČNI PODACI PODNOSITELJA ZAHTJEVA</b>	
Ime	Prezime i rođeno prezime
Datum rođenja	Grad /Opština i država rođenja
Državljanstvo	Spol
Prebivalište Ulica i broj	Grad i poštanski broj
Država	<i>E-mail</i> Broj telefona
<b>2. PODACI O FAKULTETU NA KOJEM JE RANIJE STEČENA AKADEMSKA TITULA, ODNOSNO NAUČNO/ STRUČNO ZVANJE ZA KOJE SE TRAŽI EKVIVALENCIJA</b>	
Naziv fakulteta/akademije	
Adresa fakulteta/akademije	
Naziv završenog studijskog programa (odsjek, smjer/usmjerenje )	
Datum diplomiranja-završetka studija	
Naziv javne isprave	
Broj i datum izdate diplome	
Puni naziv ranije stečene akademske titule, odnosno naučnog/stručnog zvanja za koje se traži ekvivalencija	
Dužina trajanja studija	
Broj studijskih godina	Broj semestara
Datum upisa na studij i akademska godina	
Broj i datum izdavanja javne isprave-uvjerenja o položenim ispitima)	
Dodatni uvjeti za završetak studija (upisati DA ili NE )	
Da li je obavezna izrada i odbrana diplomskog rada/završnog rada	

### 3.SVRHA PODNOŠENJA ZAHTJEVA

I. Ekvivalencija ranije stečene akademske titule , odnosno naučnog/stručnog zvanja sa novim zvanjem u svrhu :

- nastavka obrazovanja na narednom ciklusu studija na Univerzitetu
- u svrhu zapošljavanja/nostificiranja javne isprave
- ostalo (drugi razlog)

Uz potpisani zahtjev prilažem slijedeću dokumentaciju:

1. ....
2. ....
3. ....
4. ....
5. ....
6. ....
7. ....

U Tuzli, dana \_\_\_\_\_

Podnosilac zahtjeva

\_\_\_\_\_  
(Ime i prezime)